



## Perorsaanermik ilinniarfik PI/SPS Ilulissat Ilinniartut ineqarfianut tikilluarit

Sapaatip akunnerini 20-ni imaluunniit ukiut sisamassa at avillugu maaniissagaluaruit Ilulissani ilinniagaqartillutit ilinniartut ineqarfiat inuuninnut annertuumik pingaaruteqassaaq. Siullermeerlutit angerlarsimaffiit qimassimagukku sorpassuit isumaginissaat paasiniassavat immaqalu aamma siullermernit annertunerusumik imminut akisussaaffigilissallutit.

Ilinniartut ineqarfianni inuit amerlasuut najugaqatigissavatit. Pisariaqarpoq ammasuunissat, qanilaartuunissat aamma akaarinnittuunissat; tamannali annertuumik pissarsiaqarnartuuvoq. Suleqatigiillusi sulisullu peqatigalugit ilinniartut ineqarfiat tassaalersissinnaavarsi ilinniarneq pillugu najortariaqakkamit allaanerusoq.

Neriuppugut tamassi ilinniartut ineqarfianni pitsaasumik avatangiiseqarnissaq peqataaffigiimaarissi.

### **Ilinniartut ineqarfii Ilulissaniittut**

Ilinniartut ineqarfiat ilinnut ilinniarneq pissutigalugu Ilulissanut nuuttussamut neqeroorutaavoq. Ilinniartut ineqarfii Ilulissaniittut arlaqarput. Ukioq ataasikkaarlugu ineeqqamik/inissiamik tunineqartassatit. Ilinniartut ineqarfiini sorlarni najugaqarniarluni nammineq toqqaanissamut periarfissaqanngilaq.

Perorsaanermik Ilinniarfimmi Ilinniartut ineqarfiisa ilaanni inissiat qitornalinnut naatsorsuussaapput. Kisimiittuuguit inimik pequtsersukkamik mikinerusumik inissaqartinneqassatit. igaffik, ini, isersimaartarfik, uffarfillu ineqartullu allat sisamaallusi arfineq pingasuullusiluunniit ataatsimoorutissuarsi. Inimi isersimaartarfimmi isiginnaaruteqarpoq aamma ineqartunit errorsissutit atorneqarsinnaapput.

Ukiut sisamassa at avillugu ilinniarnerminnik aallartittussat Koororsuarmi kollegiani inissiamik tunineqartarput. Ukiuni pingasuni affarmilu ilinniartut meeqqisartut inissiani inissinneqartarput. Meeqqisaanngitsullu kollegiani inissinneqartarlutik.

Inunnik isumaginninnermi ikiortinnorni at **branchertut** ilaqaataat/meeraat Perorsaanermik Ilinniarfimmi inissaqartinneqanngillat.

Opgangikkaarlugit ineqartut ataatsimiitinneqartassapput ineqartullu tamarmik ataatsimiinnerni taakkunani peqataasassapput. Inissianitta at najugallit ataatsimiitinneqartarput.

### **Malittarisassat**

Ilinniartut ineqarfianni najugaqaruit pisussaaffigaat maleruagassat inissianut atuuttut malissallugit.

### **Ineqarfinni ilinniagaqartunut ataatsimut malittarisassat**

Ataani allassimasut unioqqutinneqarpata ingerlaannartumik anisitaasoqassaaq:

- Ineqartunut allanut imaluunniit sulisunut qunusaarineq annersaanerlunniit.
- Ikiaroomartumik tigummiarneq, atuineq tuniniaanerlu (nakorsaatit uani pineqanngillat).
- Tillinniarneq aamma ingasattumik aserorterineq.

**Ataani allassimasut unioqqutinneqarpata mianersoqqussummik nassataqassapput taamaalioqqikkaannilu anisitaanermik:**

- Aserorterineq (taarsiisussaataaneq)
- Imigassartorneq, ineqartunut allanut sulisunullu akornutaappat
- Aallaammik inigisamiiititaqarneq/kollegiamiititaqarneq
- Uumasuuteqarneq, soorlu qimmit, qitsuit allallu
- Illuni malittarisassanik suusupaginninneq (eqqiaaneq, ataatsimiinnerit allallu)

**Maleruagassat nalinginnaasut makku taaneqarsinnaapput:**

- Nipiliorneq nipituumillu nipilersorneq ineqartunut allanut akornutaassanngilaq ininilu nipiliortuerutereersimassaaq nal.23:00.
- Pulaartut ineqartunut akornusersuissanngilluinnarput.
- Ineqartoq pisinnaatitaavoq tikeraartoqarnissaminut sivisunerpaamik ulluni 14-ini taannalu akeqartinneqarpoq, atuarfimmianneq ataaseq
- Ineqarfinni atuarfimmilu pujortarneq inerteqqutaapput

**Maleruagassanik unioqqutitsinermi immikkut malitseqartitsisoqarnissaanik *allassimasoqanngippat* makku malinneqassapput:**

- 1. Siullermeernermi: Oqaatsitigut mianersoqqussut**
- 2. Aappassaaneernermi: Allakkatigut mianersoqqussut**
- 3. Pingajussaaneernermi: Anisitaaneq**

**Eqqiaaneq**

Ilinniartut inaanni ineqartut nammineerlutik eqqiaaneq isumagissavaat namminneq iniminni aamma ataatsimoorussani soorlu isersimaartarfinni, iggavinni aamma uffarfinni. Eqqiaanissamut pilersaarussiaq najugaqartunit malinneqassaaq. Eqqiaanermut atortussaqrpoq aamma støvsugeqarpoq. Eqqiaanissamut pilersaarussiaq malinneqanngikkaangat ilinniartut inaanni anisitaasinnaavutit.

**Atisanik errorsineq**

PI/SPS'imi ilinniartut errorsivinnik atugassaqrput. Illit nammineq errorsinerlutik qaqsoraatit isumagissavatit.

**Nerisaqarneq**

Ilinniartut inaanni najugaqaruit nammineerlutit nerisassatit isumagissavatit. **Eqqaamajuk igaffik qimatsinnagu torersaassagavit.**

Perorsaanermik Ilinniarfimmil nerisarfeqarpoq ilinniartuugaanni neriffigineqarsinnaasumik. Nerinerlutik Perorsaanermik Ilinniarfimmil pisiarfeqarsinnaapput. Nerinissamut kortimik pisinermi akikilliliivigineqarnissamut periarfissaqrpoq.

**Kollegiami ineraq**

Ineraq atorfissaqartitannik tamanik pequteqarpoq. Illit nammineerlutik oqorutit allarutillu nassassavatit. Eqqaamajuk oqorutit angalanerni tigummiannagassatut nassassagakkat, tassa PI/SPS ilinniartunut oqorutit atukkiussineq ajormat.

### **Kollegiami inissiaq**

Inissiat atorfissaqartitarnik tamanik pequsersugaapput, taamaattoq fjernsyn aamma radio pinnagit (takukkit inissiat pequtaat) Illit nammineerlutit qipik, akiseq oqorutillu qalii aamma allarutit nassassavatit. Tamakku angalanermi tigummaaannagassatut nassarneqassapput, tassa PI/SPS oqorutunik atukkiussineq ajormat. Inissiani najugaqartussat attartornermut isumaqatigiissut atsiussavaat.

Inigisami aserorterineq paarsinerlunnerlu (nalinginnaasumik nungullariartorneq pinnagu) taarsiisussanngortitaanermik kinguneqassaaq. Inigisat kisivit inigisinnaavat, tamannalu eqquutsinngikkukku inigisanniit anisitaasinnaavutit.

### **Ineqarnermut akiliut**

Ineqarnermut akiliut qaammammut kr. 850,00. inersimasumut ataatsimut.

### **Sillimmasiineq**

Tillinniarfigineqarsimaguit imaluunniit ikuallattoqarneratigut ajoqutissarsisimaguit nammineq pigisatit ilinniartut ineqarfiannit sillimmasersimangillat. Taamaattumik misissoruk ilinniarnerpit nalaani angajoqqaavit sillimmasiissutaannut atanersutit imaluunniit nammineerlutit sillimmasiigit.

### **Ilulissanut tikinneq**

Ilinniartut ineqarfiannit allagarsiguit ilinniartut ineqarfianni sorlermi ineqassanersutit, taava Ilinniartut ineqarfiinut allaffik attaveqarfigiuk ulloq suna Ilulissanut tikissanersutit aamma umiarsuaq imaluunniit timmisartup normua miffimmit kingullermit sorleq ilaaffiginerit nalunaarutigalugit. Taava ilinniartut ineqarfiata isumannaassavaa ilinniartut ineqarfiannut tikikkuit saaffissaqarnissat. Piffissaq tikiffissat aallarnerup siornatigut kingornatigulluunniit imaluunniit timmisartup normua allannguuteqassappat taava tamakku ilinniartut ineqarfiannut nalunaarutigikkitt. Sillimaffigiuk tikinnerni aaneqarumaaravit, aallalernerni aqutissaq illit nammineq isumagisassaraat.

(Feriartoqarnerani pedelip angallassineq isumagineq ajorpaa).

### **Aallarneq**

Ilinniartut ineqarfianni inigisaq sungiusarluni sulinermi qimanneqartassaaq aamma ilinniarnerpup naammassinerata kinguninngua imaluunniit ilinniarnerpup taamaatiinnarnerani.

### **Oqarasuaatit normui pingaarutillit:**

<b>Politiit</b>	<b>70 14 22</b>
<b>Napparsimavik</b>	<b>94 32 11</b>
<b>Qatserisarfik</b>	<b>113</b>
<b>PI/SPS allaffia</b>	<b>38 35 50</b>
<b>Kollegievagti</b>	<b>54 56 99</b>
<b>Kollegiap pisortaa</b>	<b>38 35 73</b>

**Koororsuaq Kollegieværelse**



**Koororsuaq Kollegielejlighed**



**Marralinnguaq koll.ineeraq**

